

ქ. თბილისის მუნიციპალიტეტის საკრებულოს  
სახელდებისა და სიმბოლიკის კომისიის სხდომის  
ოქმი № 18

20 ივლისი, 2018 წელი  
12 :00 სთ

ქ. თბილისი, თავისუფლების მოედანი №2

სხდომას უძღვებოდა: სახელდებისა და სიმბოლიკის კომისიის თავმჯდომარე  
თინათინ ნიბლოშვილი

სხდომას ესწრებოდნენ კომისიის წევრები:

გულია გოცირიძე

ანა ლაშხი

თარაშ შურღია

სხდომა გახსნა კომისიის თავმჯდომარემ თინათინ ნიბლოშვილმა, მან დაადასტურა  
კვორუმი და კენჭისყრაზე დააყენა დღის წესრიგი

### დღის წესრიგი

1. ქ.თბილისში, ჩუღურეთის რაიონში, ტარას კვარაცხელიას ქუჩასთან არსებული  
ორი უსახელო შესახვევისთვის ტარას კვარაცხელიას სახელის მინიჭების შესახებ

2. ქ.თბილისში, გლდანის რაიონში, სოფელ გლდანში, რუსთაველის ქუჩისთვის და მასთან არსებული I ჩიხისთვის შოთა რუსთაველის სახელის მინიჭების შესახებ
3. ქ.თბილისში, სოფელ წავკისში, დიდგორის ქუჩასთან არსებული უსახელო გასასვლელისთვის დიდგორის I გასასვლელის სახელის მინიჭების შესახებ.
4. ქ.თბილისში, ელიას მთის ქუჩასთან არსებული ჩიხისთვის ელიას მთის I ჩიხის სახელის მინიჭების შესახებ.
5. ქ.თბილისში, საბურთალოს რაიონში, ჭანდრის ქუჩის გაგრძელების შესახებ.
6. ქ.თბილისში, დიდუბის რაიონში, დიდუბის II შესახვევისთვის ალექსი გოგოლაურის I შესახვევის სახელის მინიჭების შესახებ.
7. ქ.თბილისში, ვაკის რაიონში, ჯურხა ნადირაძის ქუჩასთან არსებული უსახელო შესახვევისთვის ჯურხა ნადირაძის I შესახვევის სახელის მინიჭების შესახებ.
8. ქ.თბილისში, სამგორის რაიონში, ჯავახეთის ქუჩასთან მდებარე უსახელო ქუჩისთვის ისტორიკოსის, აკადემიკოს გიორგი მელიქიშვილის სახელის მინიჭების შესახებ.
9. ქ.თბილისში, საბურთალოს რაიონში, კონსტანტინე გამსახურდიას ქუჩასთან მდებარე უსახელო ქუჩისთვის ისტორიკოსის, აკადემიკოს მარიამ ლორთქიფანიძის სახელის მინიჭების შესახებ
10. ქ. თბილისში, საბურთალოს რაიონში, ლისის ქუჩასთან მდებარე უსახელო ქუჩისთვის და მასთან არსებული ცხრა შესახვევისთვის მედიცინის მეცნიერებათა დოქტორის ფრიდონ თოდუას სახელის მინიჭების შესახებ
11. ქ. თბილისში, მთაწმინდის რაიონში, ოქროყანაში, სატყეოს ქუჩასთან მდებარე უსახელო ქუჩისთვის და მასთან არსებული შესახვევისთვის ფილოლოგის, აკადემიკოს ელენე მეტრეველის სახელის მინიჭების შესახებ
12. ქ.თბილისში, საბურთალოს რაიონში, საირმის ქუჩასთან არსებული უსახელო სკვერისთვის მუსიკოსის ოთარ (კვაჭიჭო) რამიშვილის სახელის მინიჭების შესახებ
13. ქ.თბილისში, საბურთალოს რაიონში, ადამ მიცკევიჩის ქუჩის შესახვევისთვის მუსიკოსის ოთარ რამიშვილის სახელის მინიჭების შესახებ
14. ქ.თბილისში, ვაკის რაიონში, ბაგებში, ნუშის ბაღების ქუჩასთან მდებარე უსახელო ქუჩისთვის კინორეჟისორის დიმიტრი (დიმა) ბათიაშვილის სახელის მინიჭების შესახებ
15. ქ. თბილისში, ჩუღურეთის რაიონში, მერაბ მამარდაშვილის ქუჩასთან არსებული უსახელო სკვერისთვის ცხინვალის რეგიონში საომარი მოქმედებების დროს დაღუპული მებრძოლის გიორგი ქარაიას სახელის მინიჭების შესახებ.



16. ქ. თბილისში, სამგორის რაიონში, ნავთლულის II დასახლებაში III ქუჩისთვის, IV ქუჩის მონაკვეთისთვის და მასთან არსებული სამი შესახვევისთვის ბიოლოგის, აკადემიკოს ლეონიდე (ლეო) გაბუნიას სახელის მინიჭების შესახებ.
17. ქ. თბილისში, საბურთალოს რაიონში, ვარდენ წულუკიძის ქუჩასთან მდებარე უსახელო ქუჩისთვის და მასთან არსებული ერთი გასასვლელისთვის ფოლკლორისტის, ლოტბარ ფილიმონ ქორიძის სახელის მინიჭების შესახებ.
18. ქ. თბილისში, საბურთალოს რაიონში, ილია აბულაძის ქუჩის გაგრძელების შესახებ.
19. ქ. თბილისში, დიდუბის რაიონში, აკაკი ბელიაშვილის ქუჩასთან არსებულ უსახელო ჩიხისთვის აკაკი ბელიაშვილის IV ჩიხის სახელის მინიჭების შესახებ.
20. ქ. თბილისში, მთაწმინდის რაიონში, ზვიად გამსახურდიას სანაპიროსთან მდებარე უსახელო ქუჩისთვის ფილოსოფოსის, აკადემიკოს ბაჩანა ბრეგვაძის სახელის მინიჭების შესახებ.
21. ქ. თბილისში, კრწანისის რაიონში, ნიკოლოზ ბარათაშვილის ქუჩასთან მდებარე უსახელო ქუჩისთვის ქართლის მეფის დაჩი უჯარმელის სახელის მინიჭების შესახებ.
22. ქ. თბილისში, ვაკის რაიონში, აგარაკში შუა მინდვრის ქუჩასთან მდებარე უსახელო ქუჩისთვის წმინდაწყლის სახელის მინიჭების შესახებ.

თინათინ ნიბლოშვილმა სხდომაზე დღის წესრიგით გათვალისწინებული საკითხები წარმოადგინა და კომისიის წევრებთან ერთად ხსენებულ სახელდებებზე იმსჯელა. მან კიდევ ერთხელ განმარტა, რომ იქ, სადაც ძირითადი ქუჩა უკვე სახელდებულია და ქუჩასთან ტერიტორიის განაშენიანების შედეგად განვითარდა შესახვევი, გასასვლელი ან ჩიხი, განვითარებულ უსახელო ტერიტორიას კომისიის ინიციატივით ენიჭება ძირითადი ქუჩის სახელი. დღევანდელი დღის წესრიგით კი ასეთი რამდენიმე საკითხია წარმოდგენილი. მათ შორის :

ჩუღურეთის რაიონში, ტარას კვარაცხელიას ქუჩასთან არსებული ორი უსახელო შესახვევისთვის ტარას კვარაცხელიას სახელის მინიჭების შესახებ

სოფელ წავკისში, დიდგორის ქუჩასთან არსებული უსახელო გასასვლელისთვის დიდგორის I გასასვლელის სახელის მინიჭების შესახებ

ელიას მთის ქუჩასთან არსებული ჩიხისთვის ელიას მთის I ჩიხის სახელის მინიჭების შესახებ

საბურთალოს რაიონში, ჭანდრის ქუჩის გაგრძელების შესახებ

ვაკის რაიონში, ჯურხა ნადირაძის ქუჩასთან არსებული უსახელო შესახვევისთვის ჯურხა ნადირაძის I შესახვევის სახელის მინიჭების შესახებ

საბურთალოს რაიონში, ილია აბულაძის ქუჩის გაგრძელების შესახებ

დიდუბის რაიონში, აკაკი ბელიაშვილის ქუჩასთან არსებული უსახელო ჩიხისთვის აკაკი ბელიაშვილის IV ჩიხის სახელის მინიჭების შესახებ.

კომისიის წევრები დაეთანხმნენ წარმოდგენილ სახელდებებს და დადებითი რეკომენდაცია გაუწიეს.

როგორც ცნობილია, ქ. თბილისის საკრებულოს 2011 წლის 30 სექტემბრის N63 დადგენილების თანახმად, გლდან-ნაძალადევის რაიონში, ე.წ.სოფელ გლდანის დასახლებაში მდებარე უსახელო ქუჩას (პირობითად მე-14 ქუჩა) და მასთან არსებულ ჩიხს მიენიჭა რუსთაველის სახელი.

დედაქალაქში სისტემური ნუმერაციის და აბრების მონტაჟის პროცესში გაირკვა, რომ ქუჩის სახელწოდება არასრულია. კომისიამ მიიღო ქუჩისთვის სრული, შოთა რუსთაველის სახელის მინიჭების გადაწყვეტილება, რათა აღნიშნული სახელწოდებით მოხდეს აბრების განთავსება.

თინათინ ნიბლოშვილის განმარტებით, 2007 წელს ქ. თბილისის საკრებულომ დიდუბის ქუჩას მიანიჭა ფეხბურთელი დავით ყიფიანის სახელი, ხოლო დიდუბის III შესახვევი 60-იანი წლებიდან ალექსი გოგოლაურის სახელს ატარებს. ხსენებული ქუჩები ერთმანეთისგან დამოუკიდებელი ქუჩებია. დიდუბის II შესახვევს კი არანაირი კავშირი არ აქვს დიდუბის ქუჩასთან. იგი მდებარეობს ალექსი გოგოლაურის ქუჩის მიმდებარედ და ქალაქგეგმარებითი თვალსაზრისით წარმოადგენს მის შესახვევს.

კომისიამ მიიღო გადაწყვეტილება, რომ დიდუბის რაიონში, დიდუბის II შესახვევს მიენიჭოს ალექსი გოგოლაურის I შესახვევის სახელი.

კომისიის სხდომაზე საქართველოს მეცნიერებათა ეროვნული აკადემიის ვიცე-პრეზიდენტის, აკადემიკოს როინ მეტრეველის წერილთან დაკავშირებით იმსჯელეს,



რომლითაც ითხოვს თბილისის ერთ-ერთი ქუჩისთვის გიორგი მელიქიშვილის სახელის მინიჭებას.

კომისიის წევრებმა ისტორიკოსის, საქართველოს მეცნიერებათა აკადემიის აკადემიკოსის, მეცნიერების დამსახურებული მოღვაწის, საქართველოს მეცნიერებათა აკადემიის ივანე ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტის დირექტორის, პროფესორის გიორგი მელიქიშვილის ბიოგრაფიაზე ვრცლად ისაუბრეს და მიზანშეწონილად მიიჩნიეს დედაქალაქში მისი სახელობის ქუჩის არსებობა.

თინათინ ნიბლოშვილმა აღნიშნა, რომ დღევანდელი სხდომა მნიშვნელოვანია თბილისის ქუჩებისთვის იმ საზოგადო მოღვაწეთა სახელების მინიჭებით, რომელთაც მნიშვნელოვანი კვალი დატოვეს ქვეყნის ისტორიაში. მათ შორისაა გამოჩენილი მეცნიერი, საზოგადო მოღვაწე და პედაგოგი, ისტორიის მეცნიერებათა დოქტორი, პროფესორი, აკადემიკოსი მარიამ ლორთქიფანიძე.

მარიამ ლორთქიფანიძის ოჯახთან კონსულტაციების შემდეგ, სახელდებისთვის შერჩეულ იქნა კონსტანტინე გამსახურდიას ქუჩასთან მდებარე უსახელო ქუჩა საბურთალოს რაიონში.

კომისიის წევრებმა ერთხმად დაუჭირეს მხარი საქართველოს მეცნიერებათა ეროვნული აკადემიის ვიცე-პრეზიდენტის, აკადემიკოს როინ მეტრეველის და მასთან ერთად კომისიის თავმჯდომარის თინათინ ნიბლოშვილის ინიციატივას და დღის წესრიგით წარმოდგენილი მეცხრე საკითხი დადებითად გადაწყვიტეს.

სხდომაზე თინათინ ნიბლოშვილმა დედაქალაქის ქუჩებისთვის ყველასთვის ცნობილი მედიცინის მეცნიერებათა დოქტორის ფრიდონ თოდუას და მეცნიერ-ფილოლოგის, აკადემიკოს ელენე მეტრეველის სახელების მინიჭების შესახებ ისაუბრა. კომისიის წევრებმა ღვაწლმოსილი ადამიანების დამსახურებასა და მოღვაწეობაზე ისაუბრეს, განიხილეს აღნიშნულთან დაკავშირებით კომისიის თავმჯდომარის სახელზე შემოსული წერილები და ერთხმად დაუჭირეს მხარი კომისიის მიერ წარმოდგენილ ინიციატივას საბურთალოს რაიონში, ლისის ქუჩასთან მდებარე უსახელო ქუჩისთვის და მასთან არსებული ცხრა შესახვევისთვის მედიცინის მეცნიერებათა დოქტორის ფრიდონ თოდუას სახელის მინიჭების შესახებ და მთაწმინდის რაიონში, ოქროყანაში, სატყეოს ქუჩასთან მდებარე უსახელო ქუჩისთვის და მასთან არსებული შესახვევისთვის ფილოლოგის, აკადემიკოს ელენე მეტრეველის სახელის მინიჭებასთან დაკავშირებით.

როგორც ცნობილია, თბილისი იცნობს ქალაქის არაერთ კოლორიტს. მათ შორისაა ოთარ (კვაჭიჭო) რამიშვილი, რომელიც არასდროს არ დაავიწყდება მრავალი თაობის თბილისელს. თინათინ ნიბლოშვილის განცხადებით, კომისია დადებითად აფასებს მოქალაქეთა მოთხოვნას ადამ მიცკევიჩის ქუჩასთან მდებარე უსახელო ქუჩას (ადამ მიცკევიჩის ქუჩასთან არსებული შესახვევი ჩამოყალიბდა ქუჩად და შესაძლებელია მისი, როგორც უსახელო ქუჩის სახელდება) და ასევე საირმის ქუჩასთან არსებულ უსახელო სკვერს მიენიჭოს ოთარ (კვაჭიჭო) რამიშვილის სახელი.

კომისიის წევრებმა სხდომის თავმჯდომარესთან ერთად ვაკის რაიონში, ბაგებში, ნუშის ბაღების ქუჩასთან მდებარე უსახელო ქუჩისთვის კინორეჟისორის დიმიტრი (დიმა) ბათიაშვილის სახელის მინიჭების შესახებ იმსჯელეს და მხარი დაუჭირეს ვაკის რაიონში, ბაგებში, ნუშის ბაღების ქუჩასთან მდებარე უსახელო ქუჩისთვის კინორეჟისორის დიმიტრი (დიმა) ბათიაშვილის სახელის მინიჭებას.

თინათინ ნიბლოშვილის ინფორმაციით, კომისია რეგულარულად ახორციელებს დედაქალაქის ქუჩებისთვის ომში დაღუპული მებრძოლების სახელების მინიჭებას. სხდომის თავმჯდომარემ აღნიშნა, რომ გამონაკლისი არც დღევანდელი სხდომა არ არის.

ქ. თბილისის მუნიციპალიტეტის საკრებულოს ჩუღურეთის რაიონის მაჟორიტარი წევრის რიმა ბერაძის შუამდგომლობით (რომლითაც ის შუამდგომლობს მოქალაქე გულნაზ ქარაიას) და კომისიის გადაწყვეტილებით, ცხინვალის რეგიონში საომარი მოქმედებების დროს დაღუპული მებრძოლის, ვახტანგ გორგასლის III ხარისხის ორდენოსანი გიორგი ქარაიას სახელი მიენიჭება ჩუღურეთის რაიონში მდებარე ერთ-ერთ უსახელო სკვერს.

თინათინ ნიბლოშვილის განცხადებით, კომისიაში მიმდინარეობს ადმინისტრაციული საქმისწარმოების პროცესი დედაქალაქის ერთ-ერთი ქუჩისთვის საქართველოს მეცნიერებათა ეროვნული აკადემიის აკადემიკოსის, პალეობიოლოგის ლეონიდე (ლეო) გაბუნias სახელის მინიჭებასთან დაკავშირებით. კომისიის წევრებმა სხდომის თავმჯდომარესთან ერთად ზემოაღნიშნულ საკითხთან დაკავშირებით იმსჯელეს. სახელდებისთვის შეირჩა უსახელო ქუჩა სამგორის რაიონში, ნავთლუღის II დასახლებაში.

სხდომაზე კომისიის წევრებმა ნუგზარ ქორიძის წერილი განიხილეს, რომლითაც ქორიძეების საგვარეულოს სახელით ითხოვს თბილისში ერთ-ერთ ქუჩას მიენიჭოს ფილიმონ ქორიძის სახელი. თინათინ ნიბლოშვილის განმარტებით, ფილიმონ



ქორიძე იყო მომღერალი, პედაგოგი, ფოლკლორისტი, პირველი ქართველი მუსიკოსი, ვინც ქართული მრავალხმიანობა ნოტებზე გადაიტანა.

ეკლესიისა და სამშობლოს წინაშე გაწეული ღვაწლისა და თავდადებისათვის, საქართველოს ეკლესიის წმიდა სინოდმა, 2011 წლის 20 დეკემბერს შერაცხა წმინდანთა დასში, წოდებით: წმიდა ფილიმონ მაგალობელი, ერისათვის თავდადებული.

კომისიის წევრების გადაწყვეტილებით, საბურთალოს რაიონში, ვარდენ წულუკიძის ქუჩასთან მდებარე უსახელო ქუჩას და მასთან არსებულ ერთ გასასვლელს მიენიჭება ფოლკლორისტის, ლოტბარ ფილიმონ ქორიძის სახელი.

თინათინ ნიბლოშვილმა კომისიის წევრებს ბაჩანა ბრეგვაძის ოჯახის წერილი გააცნო, რომლითაც დედაქალაქის მერს კახა კალაძეს სთხოვენ თბილისის ერთ-ერთ ქუჩას მიანიჭოს ქართველი ფილოსოფოსის, მთარგმნელის, საქართველოს ეროვნული აკადემიის აკადემიკოსის, თბილისის საპატიო მოქალაქის, ფილოსოფიის მეცნიერებათა დოქტორის, პროფესორ ბაჩანა ბრეგვაძის სახელი.

სხდომაზე ბაჩანა ბრეგვაძის მოღვაწეობაზე ისაუბრეს. პიროვნება, რომელმაც იცხოვრა ჩუმი და უხმაუროდ, შექმნა უდიდესი კულტურული სიმდიდრე. მისი წყალობით საქართველოს მოსახლეობას დღეს აქვს საშუალება უმნიშვნელოვანესი ავტორების ფილოსოფიურ და მხატვრულ ნააზრევებს მშობლიურ ენაზე გაეცნონ. ბაჩანა ბრეგვაძის მიერ რელიგიური ლიტერატურის, ხოლო 70-იან წლებში სახარების ძველი ბერძნული დედნიდან თანამედროვე ქართულ ენაზე თარგმნა იყო უდიდესი პროტესტი საბჭოთა ხელისუფლების მიმართ, სამაგიეროდ იყო და არის უდიდესი ძღვენი მივიწყებული სულიერებისადმი.

კომისიის წევრებმა აღნიშნეს, რომ დაუსრულებლად შეიძლება ბაჩანა ბრეგვაძის მოღვაწეობაზე და ღვაწლზე საუბარი, ყოველივე ზემოხსენებულის გათვალისწინებით და კომისიის კომპეტენციის ფარგლებში, გადაწყდა, რომ მთაწმინდის რაიონში, ზვიად გამსახურდიას სანაპიროსთან მდებარე უსახელო ქუჩას მიენიჭოს ფილოსოფოსის, აკადემიკოს ბაჩანა ბრეგვაძის სახელი.

თინათინ ნიბლოშვილის ინიციატივით, კომისიაში მიმდინარეობს მსჯელობა ზაზა ნანობაშვილის წერილთან დაკავშირებით, თბილისის ისტორიულ უბანში ერთ-ერთი ქუჩისთვის დაჩი უჯარმელის სახელის მინიჭებასთან დაკავშირებით.

თინათინ ნიბლოშვილმა კომისიის წევრებთან ერთად დაჩი უჯარმელის მოღვაწეობაზე ისაუბრა (იზრდებოდა უჯარმაში და ცნობილია უჯარმელის ზედწოდებით) და აღნიშნა, რომ სწორედ მეფე დაჩის დასრულებულია ჩვენი დედაქალაქი, მისი აგებულია დედაქალაქის პირველი ანჩისხატის საკათალიკოსო ტაძარი. მეფე დაჩიმ მამის ანდერძის თანახმად სატახტო ქალაქი მცხეთიდან თბილისში გადაიტანა, მცხეთა დარჩა საკათალიკოსო ცენტრად. მის დროს თბილისში მოსახლეობა მომრავლდა, აშენდა მარიაშვილის ეკლესია.

კომისიის წევრებმა დღის წესრიგით წარმოდგენილი ოცდამეერთე საკითხი დადებითად გადაწყვიტეს.

კომისიის თავმჯდომარის თინათინ ნიბლოშვილის განმარტებით, სახელდებისა და სიმბოლიკის კომისია აგრძელებს რეგულარულ თანამშრომლობას საქართველოს იუსტიციის სამინისტროს საჯარო რეესტრის ეროვნული სააგენტოს სამისამართო სამსახურთან, რათა განხორციელდეს თბილისის ქუჩების თანამედროვე სახელდება და სისტემური ნუმერაცია. ერთობლივი მუშაობის შედეგად და მოქალაქე შოთა ჭუმბურიძის მოთხოვნის საფუძველზე გადაწყდა, რომ ვაკის რაიონში, აგარაკში შუა მინდვრის ქუჩასთან მდებარე უსახელო ქუჩას მიენიჭოს წმინდაწყლის სახელი (სახელდება თემატურია, ვინაიდან უსახელო ტერიტორიის მიმდებარედ არის მდინარე წმინდაწყალი).

თინათინ ნიბლოშვილმა სხდომა შეაფასა და ქალაქ თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის შესახებ განმარტება გააკეთა. როგორც მან აღნიშნა, 2015 წლის 16 ივნისის დადგენილება N14-59-ის მე-7 მუხლის პირველი პუნქტის თანახმად, სახელმწიფო და საზოგადო მოღვაწესთან დაკავშირებული სახელდება დასაშვებია ამ პირის გარდაცვალებიდან არანაკლებ 20 წლის გასვლის შემდეგ, თუმცა ამავე მუხლში განმარტებულია გამონაკლისი შემთხვევები, როდესაც მუნიციპალიტეტის საკრებულოს თავმჯდომარეს აქვს ინიცირების უფლება.

შესაბამისი ინიცირების მიღების შემდეგ კომისიას სურს ზემოაღნიშნული გეოგრაფიული ობიექტებისთვის ღვაწლმოსილი პიროვნებების (გიორგი მელიქიშვილის, მარიამ ლორთქიფანიძის, ფრიდონ თოდუას, ელენე მეტრეველის, ოთარ რამიშვილის, დიმიტრი ბათიაშვილის, გიორგი ქარაიას, ლეონიდე გაბუნიას და ბაჩანა ბრეგვაძის) სახელების მინიჭება.



კომისიის წევრებმა დღის წესრიგით წარმოდგენილი მასალები დადებითად გადაწყვიტეს, მხარი დაუჭირეს საკითხების საკრებულოს წინაშე ინიციატივებად დარეგისტრირებას და საჯარო განხილვის მიზნით საკრებულოს ვებ-გვერდზე გამოქვეყნებას.

სხდომის თავმჯდომარე

თინათინ ნიბლოშვილი

თ. ნიბლოშვილი

სახელდებისა და სიმბოლიკის კომისიის სხდომა

2018 წლის 20 ივლისი

N	სახელი, გვარი	ხელმოწერა
1.	თინათინ ნიბლოშვილი	თ. ნიბლოშვილი
2.	მარიკა დარჩია	
3.	გულია გოცირიძე	გ. გოცირიძე
4.	ანა ლაშხი	ან. ლაშხი
5.	თარაშ შურღაია	თ. შურღაია
6.	გიორგი ბირბიჩაძე	

კომისიის თავმჯდომარე

თინათინ ნიბლოშვილი

თ. ნიბლოშვილი